

SCRIPT OF EVENING GOJRI NEWS BULLETIN 21OCT 1700 HRS

ايونينگ گو جري نيو ز بليئن مورخہ 21 اکتوبر 2025

يوہ آکا شواني جموں ہي ظفر اقبال تي نصرت چوہدری تين خبر سُنو۔

HEADLINES

- ۱۔ وزير اعظم نريندر مودی نے کہيو کہ بھارت عالمی پريشانیاں غي بشڪار استحڪام تي حساسيت غي علامت ہي۔
- ۲۔ ليفٽيننٽ گورنر منوج سنہا تي وزير اعليٰ عمر عبدالله نے پوليس شہداء نانہہ يوم ياد ور خراج عقيدت پيش کيو تي جموں مانہہ امن و اتحاد ور زور دتو۔
- ۳۔ پوليس گا انسپڪٽر جنرل جموں نے کہيو کہ غير ملکی دہشت گردان نانہہ جنگلات مانہہ تلاش کر غي بي اثر کرن غي کوشش کی جارہی ہي۔
- ۴۔ جموں کشمير مانہہ ڈينگو غا 2 ہزار تين مٽہ معاملہ باندھے آيا ہيں ڈاکٽران نے شہرياں نانہہ پانی نہ جمع ہون تي مچھت بھگان غي ادويات غو استعمال کرن غي ہدایت کی۔
- ۵۔ مہاراجہ گلاب سنگھ جی غي 233 ويں سالگرہ نانہہ جموں خطہ مانہہ عقيدت تي احترام سنگ منا يو گيو ہي۔

PM BHARAT

وزير اعظم نريندر مودی نے کہيو ہي جے بھارت ايک ایسا وقت مانہہ استحڪام تي حساسيت غي علامت بن غي سامنے آرہيو ہي جس دُنیا متعدد پيشانیاں توں گزر رہی ہي ديوالی غا موقع ہ ور ملک غا شہرياں غي ناہ ايک خط مانہہ جناب مودی نے کہيو ہي جے بھارت مستقبل قريب مانہہ دُنیا غي تيجی سب توں بڑی معشيت بنن غي راہ ور گامزن ہي اُنہاں نے مزید کہيو جے وکست بھارت تي آتم نربہر بھارت غا اس سفر مانہہ ہر شہری غي بُنيادی زمہ داری ہي جے وہ قوم غي تئیں اپنا فرائض نانہہ پورو کریں۔

LG POLICE COMM DAY

ليفٽيننٽ گورنر منوج سنہا نے اج پوليس ياد گاری تہاڑا غا موقع ور پوليس شہدا نانہہ زبردست خراج عقيدت پيش کيو ہي امن تي سلامتی واسطے جموں کشمير پوليس غي زبردست لگن غو اعتراف کيو زيون سرينگر مانہہ ايک اجتماع سنگ خطاب کرتا واں ايل جی موصوف نے فورس غا 24 سو گھنٹہ غا عزم غي تعريف کی تي دہشت گردی سنگ نمڑن واں ان گا اہم کردار ور زور دتو۔ اپنی جاناں غو نذرانو پيش کرن آلا 1614 اہلکاران نانہہ ياد کرتا واں اُنہاں نے اُن گا خاندانان واسطے مسلسل تعاون غو يقين دوايو جناب سنہا نے دہشت گردی غا نيٲ ورک غي خلاف چوکسی ور زور تي غلط معلومات غو مقابلو کرن واسطے سمارٹ ٲيکنالوجی گا استعمال ور زور دتو اس موقع ور خطاب کرتا واں ايل جی موصوف نے پوليس غي کوششاں غي حمايت کرن تي جموں کشمير مانہہ ديرپا امن نانہہ يقيني بنان واسطے اجتماعي عزم ور زور دتو اس موقع ور بولتا واں اُنہاں نے کُج اس طرح کہيو۔ اس موقع ور وزير اعليٰ عمر عبدالله وی موجود تھا تي اُنہاں نے پوليس اہلکاران نانہہ خراج عقيدت پيش کيو جنہاں نے ڈيوٹی غي دوران اپنی جاناں گا نذرانہ پيش کیا۔

IGP TERRORISTS

جموں صوبہ گا انسپکٹر جنرل آف پولیس بھیم سین ٹوٹی نے اج کہی وے جے جموں غا گھنا جنگلاتی علاقان مانہ چھپیا وا غیر ملکی دہشت گردان نانہ بے اثر کرن غی کوچ جاری ہیں تے پورہ صوبہ مانہ انسداد دہشت گردی غی کاروائی باقاعدگی سنگ چلائی جارہی ہے وے جموں مانہ یوم پولیس یاد گاری تہاڑا گا موقع ور گل بات کر رہیا تھا جس مانہ 1959 مانہ لداخ مانہ شہید ہون آلا 10 سی آر پی ایف اہلکاران نانہ خراج عقیدت پیش کیو پولیس شہداء نانہ زبردست خراج عقیدت پیش کرتا واں آئی جی پی نے مختلف فرائض مانہ دتی گئی قربانیاں غو اعتراف کیو اس موقع ور خطاب کرتا واں آئی جی پی جموں نے کج اس طرح کہیودریں اثنا تمام 10 ضلاع مانہ یاد گاری تقریبات گو انعقاد کیو کیو جس مانہ عہدے داران کنبہ تے سماج غا لوکان نے بھر پور شرکت کی۔

NAGROTA BY POLLS PREP

نگروٹہ اسمبلی حلقہ مانہ ہون آلا ضمنی انتخابات غی تیاریاں غے سنگ انتخابی تیاری عروج ور ہیں آزادانہ منصفانہ تے حلقہ مانہ سی سی ٹی وی کیمرہ نصب کیا ہیں تے خصوصی ناکہ قائم کیا ہیں قابل ذکر ہے جے 11 نومبر نانہ اس حلقہ مانہ ووٹ کھلیا جیں گا کاغزات نامزدگی غی جانچ پڑتال کل وے غی جد کہ امیدواران گا کاغزات نامزدگی واپس لین غی آخری تاریخ 24 اکتوبر توڑی رکھی گئی ہے ووٹان غی گنتری 14 نومبر نانہ وے غی انتخابی عمل غے دوران امن وامان برقرار رکھن واسطے حفاظتی انتظامات مزید سخت کیا جارہیا ہیں۔

PM MKB

وزیر اعظم نریندر مودی ملک تے بیرون ملک رہ رہیا بھارتی شہریاں سنگ آئندہ 26 اکتوبر نانہ آکاش وانی ور من کی بات پروگرام مانہ اپنا خیالات سانجہ کریں گایاہ ماہوار ریڈیو پروگرام غی 127 ویں قسط وے غی۔ لوگ اپنا خیالات تے تجویز ٹول فری نمبر 1800117800 ور ڈائل کر غے روانہ کر سکیں۔ اس توں علاوہ نریندر مودی ایپ یاہ فرمائی گوو اوپن فورم ور وی اپنا خیالات تے تجویز روانہ کی جا سکیں یہ تجویز اس مہینہ غی 24 تاریخ توڑی ہی قابل قبول وین گی۔

J&K DENGUE

جموں کشمیر مانہ اس سال ڈینگو غا معاملہ مانہ اضافو دیکھیو گیو ہے ہن توڑی تقریباً 2200 افراد مانہ ڈینگو تصدیق ہووے آکاشوائی جموں گا نمائندہ غے مطابق سرکاری اعداد و شمار غا حساب تیں ہن توڑی جموں کشمیر مانہ 2168 ڈینگو غا معاملہ باندھے آیا ہیں جن مانہ سب تیں زیادہ 960 معاملہ جموں ضلع مانہ درج کیا گیا ہیں اس تیں بعد کٹھوعہ ادھمپور تے سانہ ضلاع آویں ماہرین صحت نے لوکان تیں اپیل کی ہے کہ احتیاطی تدابیر اختیار کریں خاص طور ور سویرے تے شام غے وقت جد مچھر زیادہ فعال وین لوکان نانہ مشورو دتو گیو ہے کہ جمع شدہ پانی نانہ صاف کریں تے اپنا ارد گرد صفائی رکھیں تانجے ڈینگو گا پھیلاو ور قابو پایو جاسکے۔

MAHARAJA GULAB SINGH BDAY

مہاراجہ گلاب سنگھ جی غی 233 ویں سالگرہ غا موقع ور جموں غا مختلف علاقوں مانہہ تقریبات منعقد کی گئیں تانجے ڈوگرہ سلطنت غا بانی تے جموں کشمیر غا پہلا مہاراجہ نانہہ خراج عقیدت پیش کیو جاسکے۔ مہاراجہ گلاب سنگھ جہڑا مہاراجہ رنجیت سنگھ غی فوج مانہہ ایک کمانڈر غا طور ور تھا سن 1822 مانہہ جموں غا راجا بنیا بعد مانہہ 1846 غا امرتسر معاہدہ غے ذریعے اُنہاں نے اپنی میراث نانہہ مضبوط کیو تے جموں و کشمیر غی ریاست قائم کی وہ اپنی فوجی قابلیت ثقافتی سرپرستی تے عوامی بہبود غا اقدامات واسطے جاتیا جیں اُن غی حکمرانی نے خطہ غی تاریخی بنیاد رکھی لیفٹیننٹ گورنر منوج سنہا نے ایک پوسٹ مانہہ مہاراجہ گلاب سنگھ جی غا جنم تہاڑا ور اُنہاں نانہہ شاندار خراج عقیدت پیش کی۔ اسی دوران یووا راجپوت سبھانے وی مہاراجہ گلاب سنگھ جی نانہہ پُر خلوص خراج عقیدت پیش کیو اس موقع ور سبھا غی جانب تیں ایک تقریب گو اہتمام کیو گیو یووا راجپوت سبھا غا صدر سنجیو سنگھ رنکو نے اجتماع تیں خطاب کرتا واں اس طرح کہیو۔

SPL TRAIN REACTION

لوکاں نے بٹگام بانہال خصوصی ریل خدمات نانہہ سنگلدان توڑی بدھان غا فیصلہ گو خیر مقدم کیو ہے جس تیں لوکاں مانہہ سفر کرن مانہہ راحت لبے غی اج تیں خصوصی ریل نمبر 88/04687 اگلا 30 دنن توڑی سنگلدان ریلوے سٹیشن توڑی چلے غی آکاشوانی جموں گا نمائندہ غے مطابق ریلوے حکام غو یوہ قدم مسافراں واسطے سفر نانہہ آرام دہ بناوے غو۔ کشمیر ریلوے نیٹ ورک مانہہ جاری بڑی تبدیلیاں غے نال بہتر رابطہ کاری تیں مقامی لوکاں نانہہ مسلسل فائدو ہو رہیو ہے آکاشوانی خبراں آلا شعوبہ سنگ گل کرتا واں کُجھ مقامی لوکاں نے اس طرح کہیو۔

GST REDUCATION

مرکزی حکومت غی جانب تیں ضروری اشایء ور جی ایس ٹی مانہہ حالیہ کمی تیں جموں تے اس گا کول کال غا علاقوں گا لوکاں نانہہ فائدو وے غو۔ تاجراں غو کہنو ہے کہ ٹیکس کھٹ کرن تیں اخراجات مانہہ کمی آوے غی۔ صارفین نے وی اطمینان غو اظہار کرتا واں کہیو کہ روز مرہ غی ضروری چیز بُن سستی ہو جے غی جس تیں ہر طبقہ گا گھراں نانہہ راحت لبے غی۔ اس فیصلہ نے مقامی بازاراں نانہہ مضبوط کیو ہے تے معشیت نانہہ فروغ دین واسطے ایک اہم قدم سمجھیو جارہیو ہے۔ آکاشوانی غا خبراں آلا شعوبہ سنگ گل کرتا واں کُجھ مقامی لوکاں نے اس طرح کہیو۔

PARVEZ RASOOL RETIREMENT

جموں کشمیر غا پہلا بھارتی کرکٹر پرویز رسوم نے 36 سال غی عمر مانہہ تمام فارمیٹس تیں ریٹائرمنٹ گو اعلان کیو ہے شاندار آل راؤنڈر پرویز رسول نے اپنا زندگی غا سفر مانہہ 352 فیسٹ کلاس وکٹیں تے 5648 رن بنایا ہیں۔ بُن وے نوجوان کرکٹرز غی رہنمائی تے کوچنگ غی ذمے داری چاویں غا۔
